

Europako Batasunean dibisa bakarra beranduenez 2002. urtean egongo da

Maastrichteko Itunean jasotzen diren epeak errespetatzea erabaki dute ministroek

1 999. urtean emango zaio hasiera Europako batasun ekonomiko eta monetarioari. Beranduenez 2002. urteko uztailearen 1a izango da, Europako Batasuneko monedak desagertuta, dibisa bakarria indarrean jarriko den eguna. Hala berretsi zuten atzo Valentzian Hamabosteko Ekonomia eta Finantza ministroek banku zentralerako buruekin batera egiten ari diren bileran.

VALENTZIA

Europako batasun ekonomiko eta monetarioaren azken fasea izango da diru bakarrarena, eta beranduenez 2002. urtean egongo da erabat hedatuta Maastrichteko Itunak jasotzen dituen irizpideak beteko dituzten estatuetan. Aho batez erabaki zuten atzo Hamabosteko Ekonomia eta Finantza ministroek Valentzian gaur bukatuko den 'kontseilu informalean'.

Azken egunotan diru bakarerrak epeak eta egunak aldatzea komeni zen ala ez piztu den eztabaida bertan behera utzi nahi izan dute ministroek, lehen Bruselako agintariek egin zuten moduan, Itunean erabakitako errespetatzea defendituz.

Horrela, 2002. urteko urtarilaren 1etik uztailean bitartean Europako diru bakarria eta estatu bakoitzeko dibisa izango dira indarrean eguneroko ekonomi operazioetan. Europako Institutu Monetarioak epe hori ahal den laburrena izatea gomendatu zuen atzo Valentzian.

Ministroek hitzartutakoaren arabera, 1998. urtearen hasieran estatuburuak erabakiko dute Hamabostetatik zeintzuk betetzen dituzten bateratasunerako irizpideak, eta 1999ko urtarilaren 1etik aurrera diru batasunean



Waigel Alemaniako Ekonomia ministroa, eta Hans Tietmeyer Bundesbankeko burua bileran. J.C.CARDENAS/EFE

sartuko direnak. Inflazioak, defizitak, zor publikoak, interes tasek eta truke tasaren egonkortasunak neurri jakin batekoak izan beharko dute, Maastrichteko Itunean hala dago jasota. Fase horretan estatu bakoitzeko dibisen arteko berdintasunak zehaztuko dira, eta gehienez urtebete iraungo du, nazioarteko finantza merkatuetan tentsioak eragozteko.

1999ko urtarilaren 1ean hasiko da Europako ekonomi eta diru batasuna, Europako Banku Zentralaren politika ecutan (moneda bakarraren izena erabakitzeko dago) garatuko da, eta bankuek diru bakar horretan egingo dituzte operazioak, estatuko dibisa erabiltzeaz gain.

Fase hau beranduenez 2001. urteko abenduaren 31n amaituko da, eta moneda eta diru-paper berriaren jaulkiko da jarraian. Hori sei hilabetez estatu bakoitzeko dibisarekin batera egongo da indarrean.

Valentziako bileran parte hartzen ari den Espainiako or-

dezkaritzako iturrien arabera, atzo goizean zehar Itunean jasotzen den egutegia eta egunak errespetatzearen aldeko jarrera erabatekoa izan zen Hamabosteko ministroen artean. Estatu bakar batek ere ez zuen egun aldatetarik proposatu.

Diru bakarrerako urratsak bete beharko dituen printzipioetan ere adostasun zabala egon zela azpimarratu zuten aipatutako iturriek. Horrela, prozesu honek

«atzerazina, sinesgarria, iritzi publikoaren aldetik onargarria izan beharko du, eta ez du beharrezkorik ez den kosturik eragin behar, ezta merkatuetara arazorik ekarri behar ere».

Alexandre Lamfalussy etorkizunean Europako Banku Zentrala izango denaren Institutu Monetarioko lehendakariak aurkeztu zuen txostenak dioenez, komenigarria litzateke diru berriak estatutu juridikoa izatea.

«Ekonomiaren egoera lagungarri izango da batasunaren arrakastan»

VALENTZIA

Egungo testuinguru ekonomikoak «ekonomi eta diru batasunari modu egokian aurre egiteko aukera» eskaintzen duela azpimarratu zuen atzo Valentzian Ekonomia eta Finantza Kontseiluko presidentea den Pedro Solbes ministro espainiarra.

Solbesek azaldu zuenez, Europak «enplegu mailan garestia izan den krisi ekonomiko gogo-

rra jasan du». Ildo horretan, «hazkunde iraunkorra eta enplegu maila handia lortzeko tresna» izango dela ekonomi eta diru batasunaren diseinu amankomuna deritzo.

Bateratasunari ekiteko «une egokiena ez» dela onartu zuen ministro espainiarra, baina ez dela prozesua martxan jartzeko oztipoa izan nabarmendu zuen. Adierazpenok banku zentralerako arduradunekin izandako bileran egin zituen Solbesek.

Untzioletako auzia konpontzeko ministroekin egongo da Toxo

KANTABRIA

Ignacio Fernandez Toxo CCOO sindikatuko Metal federazioko burua Madrilgo Lan, Industria eta Ekonomia ministroekin biltzeko elkarrizketetan ari dela jakinarazi zuen atzo. Ministroekin bilduz untzigintza publikoaren birmoldaketaren inguruan akordioa lortzea espero du.

Toxok azaldu zuenez, birmoldaketa plana hitzartzeko azken koska kalera-tuko diren langileentzako jubilazioen ordainketa zehaztea da. Jubilazioen estalduraren gaian sindikatuek eta administrazioek jarrera «arras ezberdinak» dituztela esan zuen.

Ildo horretan, akordioa lortzea oztopatzen duen gai honen inguruan ministroekin eztabaidatzeko asmoa agertu zuen CCOOko kideak. Negoziatuta luze hauetan zehar UGT eta CCOOko buruzagiak bildu izan dira Madrilgo ministroekin. Bilerotan ez dute parte hartu negoziazio mahaiko kide diren ELA, CIG eta CAT sindikatuek.

Sindikatuak siderurgia-aren birmoldaketan kalera-tutako langileek izan zituzten baldintza ekonomiko berberak eskatu dituzte untzigintzaren kasuan.

Gestiorako
Laguntza
Integraleko Plana



Bilbo

Donostia

Gasteiz

ESTRATEGI ZUZENDARITZA

ETE-ETAKO GERENTE ETA ZUZENDARIEI
BIDERATUTAKO
AUTOPRESTAKUNTZARAKO IKASTAROA

Iraupena: Urriaren 17tik 1996ko Urtarilaren 18ra

Dedikazioa: 40 ordu (ez da derrigorrezkoa bertaratzea)

Aurkezpen -

Ihardunaldiak: Gasteizen, Urriaren 17an
Donostian, Urriaren 18an
Bilbon, Urriaren 19an
12,00etatik 13,00etara

Informazio

zabalagoa eskatzeko: Carmen Aguirre and.
Telefona (94) 479 70 06
Fax (94) 479 70 22

